



GRIJANJE

Javno preduzeće "Grijanje" d.o.o. Zenica, Bilmišće br.107, 72 000 Zenica
telefon +387 32 423 097, fax +387 32 423 099
www.grijanjezenica.ba

Na osnovu članova 70., 71. i 89. stav (3) Zakona o javnim nabavkama („Službeni glasnik BiH“ broj 39/14, 59/22 i 50/24 – u daljem tekstu: Zakon), člana 37. Statuta Javnog preduzeća „Grijanje“ d.o.o. Zenica (u daljem tekstu: ugovorni organ) u skladu sa preporukom Komisije za nabavke, broj: 7510/25-AS od 14.07.2025. godine, Uprava Javnog preduzeća „Grijanje“ d.o.o. Zenica, donosi:

ODLUKU **o izboru najpovoljnijeg ponuđača**

I

JP Hrvatske telekomunikacije d.d. Mostar, Kneza Branimira bb, 88000 Mostar, bira se za najpovoljnijeg ponuđača u postupku nabavke usluga – **Telefonske usluge za 2025. i 2026. godinu – Mobilna telefonija** putem konkurentskog zahtjeva za dostavu ponuda, Obavještenje o nabavci sa portala javnih nabavki broj: 1091-7-2-204-3-19/25 od 03.06.2025. godine

II

Odabranom ponuđaču bit će ponuđen Ugovor o nabavci usluga – Telefonske usluge za 2025. i 2026. godinu – Mobilna telefonija, a najkasnije u roku od 10 (deset) dana od dana prijema ove odluke.

III

Ova odluka objavit će se na web stranici Javnog preduzeća „Grijanje“ d.o.o. Zenica.

O b r a z l o ž e n j e

Dana 03.06.2025.godine, ugovorni organ je sačinio tendersku dokumentaciju broj 5791/25-AS za nabavku usluga – Telefonske usluge za 2025. i 2026. godinu – Mobilna telefonija, putem konkurentskog zahtjeva za dostavu ponuda, procijenjene vrijednosti 15.000,00 KM.

Na osnovu Obavještenja o nabavci broj: 1091-7-2-204-3-19/25 od 03.06.2025. godine, objavljenog na Portalu javnih nabavki ejn.gov.ba, ponudu su blagovremeno dostavila tri ponuđača, i to:

- **JP Hrvatske telekomunikacije d.d. Mostar, Kneza Branimira bb, 88000 Mostar** sa ponuđenom cijenom od 14.888,88 KM;
- **„Telekomunikacije Republike Srpske“ akcionarsko društvo Banja Luka, Vuka Karadžića broj 2, 78000 Banja Luka** sa ponuđenom cijenom od 15.000,00 KM;
- **Dioničko društvo „BH Telecom“ Sarajevo, Franca Lehara broj 7 Sarajevo, Centar, Direkcija Zenica, Masaryikova 46, Zenica** sa ponuđenom cijenom od 14.639,52 KM.

Računskom analizom ponuda kod ponuđača **Dioničko društvo „BH Telecom“ Sarajevo, Franca Lehara broj 7 Sarajevo, Centar, Direkcija Zenica, Masaryikova 46, Zenica**, u Obrascu za cijenu ponude utvrđena je računaska greška kako slijedi:

- Na stavci broj 1, u koloni broj 7 Ukupna cijena bez PDV-a (KM) upisan je iznos 11.815,68 umjesto 2.722.037,76.

Naime, radi se o pogrešnom umnošku kolona 4 x 5 x 6. Upisano je $16 \times 24 \times 7.088,64 = 11.815,68$, a treba biti $16 \times 24 \times 7.088,64 = 2.722.037,76$. S tim u vezi u Obrascu za cijenu ponude mijenja se i vrijednost ukupne ponude. Dana 26.06.2025. godine ponuđač je putem emaila obaviješten o počinjenoj grešci i zatražena je suglasnost za ispravku računске greške, na način da se u koloni 7 unese tačan umnožak kolona (4 x 5 x 6) tj. da se upiše iznos 2.722.037,76 te da se dostavi novi obrazac za cijenu ponude usklađen sa izvršenom ispravkom do dana 02.07.2025. godine do 13:00 sati.

Dana 30.06.2025. ponuđač je putem pošte dostavio novi Obrazac za cijenu ponude. Pregledom dostavljenog novog (ispravljenog) Obrasca za cijenu ponude utvrđeno je da je ponuđač postupio suprotno uputama ugovornog organa. U novom Obrascu za cijenu ponude ponuđač je izmijenio jediničnu cijenu (KM bez PDV-a) gdje je umjesto ranije upisanog iznosa od 7.088,64 upisao iznos 30,76. Imajući u vidu da se jedinična cijena ne smatra greškom i da se ista ne može ispravljati, ponuđač je ponovo, dana 01.07.2025. godine, putem emaila pozvan da dostavi saglasnost za ispravku računске greške i novi Obrazac za cijenu ponude. Ponuđač, u ostavljenom roku, do 02.07.2025. do 13:00 sati nije dostavio suglasnost za ispravku računске greške kao ni novi Obrazac za cijenu ponude. Shodno navedenom, Komisija za nabavke je ponudu ponuđača **Dioničko društvo „BH Telecom“ Sarajevo, Franca Lehara broj 7 Sarajevo, Centar, Direkcija Zenica, Masaryikova 46, Zenica** cijenila kao **NEPRAVILNU**, jer ista nije u skladu sa tenderskom dokumentacijom.

U toku pregleda i ocjene ostalih pristiglih ponuda, provjerom dostavljene dokumentacije u skladu sa uslovima tenderske dokumentacije, Komisija ugovornog organa je ocijenila da su ponude ponuđača **JP Hrvatske telekomunikacije d.d. Mostar, Kneza Branimira bb, 88000 Mostar** i **„Telekomunikacije Republike Srpske“ akcionarsko društvo Banja Luka, Vuka Karadžića broj 2, 78000 Banja Luka PRIHVATLJIVE**.

Tenderskom dokumentacijom je predviđeno provođenje e-aukcije. Dana 07.07.2025. godine zakazana je e-aukcija za dan 09.07.2025. godine sa početkom u 10:30 sati. Nakon završene e-aukcije, daje se tabelarni pregled – rang lista prihvatljivih ponuda ponuđača kako slijedi:

RB.	NAZIV PONUĐAČA	VRIJEDNOST PONUDA BEZ PDV-a (KM)	RANG
1.	JP Hrvatske telekomunikacije d.d. Mostar, Kneza Branimira bb, 88000 Mostar	13.490,00	1.
2.	„Telekomunikacije Republike Srpske“ akcionarsko društvo Banja Luka, Vuka Karadžića broj 2, 78000 Banja Luka	13.500,00	2.

Izveštaj o toku i završetku e-aukcije nalazi se u prilogu ovog zapisnika.

Shodno naprijed navedenom, Komisija za nabavke daje **PREPORUKU** ugovornom organu da u smislu člana 69. stav (1) tačka a), te člana 70. stav (3) Zakona može donijeti Odluku o izboru ponuđača **JP Hrvatske telekomunikacije d.d. Mostar, Kneza Branimira bb, 88000 Mostar**, kao najpovoljnijeg za predmetnu nabavku, te da odabranom ponuđaču ponudi zaključenje ugovora o nabavci usluga – Telefonske usluge za 2025. i 2026. godinu – Mobilna telefonija.

Imajući u vidu navedeno, donesena je odluka kao u dispozitivu.

PRAVNA POUKA: Protiv ove odluke može se izjaviti žalba Uredu za razmatranje žalbi BiH u dovoljnom broju primjeraka, putem ugovornog organa, lično ili preporučenom poštom, u roku od **5 (pet) dana** od dana prijema iste.

Broj: 7520/25-AS

Datum: 15.07.2025. godine.



v.d. Direktor

[Signature]
Rizvić Edin, dipl. ecc.

DOSTAVITI :

3x Ponuđači – preporučeno poštom s povratnicom

1x Uprava preduzeća

1x Odjeljenje za kadrovske i opšte poslove (A.S.)